

სახელმწიფო შესყიდვების შესახებ ხელშეკრულება N

ქ. თბილისი

___ ივლისი, 2020 წელი

შემსყიდველი: სსიპ „საქართველოს ეროვნული ბანკი“, აღმასრულებელი დირექტორის ვახტანგ ბურკიაშვილის სახით;

მისამართი: თბილისი, 0114, სანაპიროს 2;

საიდენტიფიკაციო კოდი: 203 824 148.

მიმწოდებელი: შპს „ნიუ ტექნოლოჯი იმპექს“, დირექტორის დავით მიმინოშვილის სახით;

მისამართი: ქ. თბილისი, ლუბლიანას ქ. N34;

საკონტაქტო ინფორმაცია: ტელ: 995577575457 ელ. ფოსტა: newtechnologyimpex@gmail.com

საიდენტიფიკაციო კოდი: 404595176

საბანკო რეკვიზიტები: ს/ს „თიბისი ბანკი“, ანგარიშის №GE89TB7790336080100008.

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადება SPA200001404) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს ვირუსისგან დამცავი, ერთჯერადი გამოყენების ნიღბების (პირბადე) (შემდგომში „საქონელი“) შესყიდვა დანართი N1-ში მოცემული ტექნიკური მოთხოვნების შესაბამისად (CPV კოდი - 33735100);
- 1.2. დანართი N1 წარმოადგენს ხელშეკრულების განუყოფელ ნაწილს.

მუხლი 2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს შემსყიდველის მხრიდან განახორციელებს სეზ-ის შესყიდვების და ლოჯისტიკის დეპარტამენტის უფროსი და შესყიდვების და ლოჯისტიკის დეპარტამენტის ლოჯისტიკის განყოფილების უფროსი ან/და მათ მიერ უფლებამოსილი პირ(ებ)ი.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 3. საქონლის მიღება-ჩაბარების წესი

- 3.1. საქონლის მოწოდება უნდა განხორციელდეს ეტაპობრივად, შემსყიდველის მოთხოვნების საფუძველზე, არაუგვიანეს 2020 წლის 30 დეკემბრისა;
- 3.2. მიმწოდებელმა საქონლის შემსყიდველისათვის მიწოდება უნდა განახორციელოს შემსყიდველის მოთხოვნიდან არაუგვიანეს 10 დღის ვადაში. თითოეული მოთხოვნის მინიმალური რაოდენობა - 10 000 ცალი. პირველი მიწოდება - მინიმუმ 20 000 ცალი უნდა განხორციელდეს ხელშეკრულების ხელმოწერიდან არაუგვიანეს 5 დღისა. შემდეგ მისამართზე: ქ. თბილისი, სანაპიროს N2, საქართველოს ეროვნული ბანკის სათაო ოფისი.
- 3.3. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 3.4. საქონლის მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 3.5. მიწოდებული საქონლის საბოლოო შემოწმების ადგილია საქართველოს ეროვნული ბანკის სათაო ოფისი: თბილისი, სანაპიროს N2.
- 3.6. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის და წუნდების მიზეზის მითითებით.
- 3.7. შემსყიდველის მხრიდან 3.3. პუნქტში აღნიშნული მიღება-ჩაბარების აქტის ხელმომწერი პირია სეზ-ის შესყიდვების და ლოჯისტიკის დეპარტამენტის უფროსი.

მუხლი 4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული საქონლის საერთო სავარაუდო ღირებულება შეადგენს 112 097.29 (ას თორმეტი ათას ოთხმოცდაჩვიდმეტი ლარი და ოცდაცხრა თეთრი) ლარს („ხელშეკრულების ფასი“).
- 4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.3. მიუხედავად ხელშეკრულების 4.2 პუნქტისა, 2020 წლის 1 ოქტომბრამდე მოწოდებული საქონლის ღირებულება ანაზღაურებული იქნება დღგ-ს გარეშე, „საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრისა და საქართველოს ფინანსთა მინისტრის 2020 წლის 1 აპრილის №01-36/ნ/89 ერთობლივი ბრძანების საფუძველზე.
- 4.4. ანგარიშსწორება ხორციელდება წინამდებარე ხელშეკრულების 3.3 ქვეპუნქტის შესაბამისად შესყიდვის ობიექტის მიღებიდან და მიმწოდებლის მიერ სათანადო დოკუმენტაციის წარმოდგენიდან (იმისდამიხედვით რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

მუხლი 5. მხარეთა უფლება-მოვალეობები

- 5.1. შემსყიდველს უფლება აქვს:
 - 5.1.1. მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული საქონელი.
 - 5.1.2. განახორციელოს მოწოდებული საქონლის ნიმუშ(ებ)ის სსიპ ლ.საყვარელიძის სახელობის

დაავადებათა კონტროლისა და საზოგადოებრივი ჯანმრთელობის ეროვნული ცენტრში ან სხვა შესაბამის აკრედიტირებულ ლაბორატორიაში შემოწმება. შერჩეულმა ნიმუშებმა წარმატებით უნდა გაიაროს ლაბორატორიული შემოწმება, წინააღმდეგ შემთხვევაში კანონმდებლობით გათვალისწინებული პასუხისმგებლობა დაეკისრება მიმწოდებელს.

5.1.3. არ შეისყიდოს ამ ხელშეკრულებით გათვალისწინებული საქონლის სრული რაოდენობა.

5.2. შემსყიდველი ვალდებულია გადაუხადოს მიმწოდებელს ფაქტიურად მიწოდებული საქონლის ფასი ხელშეკრულებით გათვალისწინებული პირობების შესაბამისად.

5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული საქონელი.

5.4. მიმწოდებელს უფლება აქვს მიწოდებული საქონლის სანაცვლოდ მიიღოს ხელშეკრულებით გათვალისწინებული ფასი.

მუხლი 6. გარანტია

6.1. მიმწოდებელი იძლევა იმის გარანტიას, რომ მის მიერ გადაცემული საქონელი იქნება შესაბამისი ტექნიკურ მოთხოვნებთან და შესაფერისი იმ მიზნისათვის, რომლისთვისაც ის არის გათვალისწინებული.

6.2. საქონლის (პირველადი შეფუთვის გაუხსნელად) ვარგისიანობის ვადა შეადგენს - არანაკლებ 18 თვეს მისი მიწოდებიდან.

მუხლი 7. მხარეთა პასუხისმგებლობა ხელშეკრულების პირობების შეუსრულებლობისათვის

7.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.

7.2. მიმწოდებლის მიერ ხელშეკრულებით ნაკისრი ვალდებულებების არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ყოველი ვადაგადაცილებული დღისათვის.

7.3. მიმწოდებლის მიერ ხელშეკრულების ნაწილობრივ შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

7.4. საჯარიმო სანქციების გადახდა შესაძლებელია მოხდეს მიმწოდებლისთვის ასანაზღაურებელი თანხიდან გამოქვითვის საშუალებით.

7.5. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,02%-ის ოდენობით.

7.6. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.

7.7. იმ შემთხვევაში, თუ 7.2 პუნქტში აღნიშნული ვადაგადაცილება მიაღწევს 10 დღეს, შემსყიდველს უფლება აქვს ცალმხრივად შეწყვიტოს ხელშეკრულება მიმწოდებლის მიერ ვალდებულებების შეუსრულებლობის მოტივით. ამ შემთხვევაში გამოყენებული იქნება 7.1 ან 7.3 პუნქტით გათვალისწინებული სანქციები.

მუხლი 8. ხელშეკრულებაში ცვლილების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 8.6. შემსყიდველი უფლებამოსილია ცალმხრივად შეწყვიტოს ხელშეკრულება იმ შემთხვევაში, თუ აღნიშნულის შესახებ 20 დღით ადრე წერილობით აცნობებს მიმწოდებელს.
- 8.7. ხელშეკრულება ასევე შეიძლება შეწყდეს მხარეთა, ურთიერთშეთანხმების საფუძველზე.

მუხლი 9. დაუძლეველი ძალა

- 9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით ამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.
- 9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 10. დავები და მათი გადაწყვეტის წესი

- 10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთ შეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 11. ხელშეკრულების მოქმედების ვადა

ხელშეკრულება ძალაში შედის ხელმოწერის დღიდან და მოქმედებს სულ მცირე 30 დღის განმავლობაში მხარეთა მიერ ვალდებულებების სრულად შესრულების დღიდან, მაგრამ არაუგვიანეს 2021 წლის 31 იანვრისა.

მუხლი 12. ზოგადი დებულებები

- 12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 12.3. ხელშეკრულება შედგენილია ქართულ ენაზე და დამოწმებულია მხარეთა კვალიფიციური ელექტრონული ხელმოწერით/შტამპით.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის სახელით:

მიმწოდებლის სახელით:

ვახტანგ ბურკიაშვილი _____

დავით მიმინოშვილი _____

საქართველოს ეროვნული ბანკის
აღმასრულებელი დირექტორი
ბ.ა.

შპს „ნიუ ტექნოლოჯი იმპექს“
დირექტორი
ბ.ა.

შესყიდვის ობიექტის დასახელება	საქონლის მწარმოებელი კომპანია და წარმოშობის ქვეყანა	შემოთავაზებული საქონლის ტექნიკური მახასიათებლები	რაოდენობა (ცალი)	ღირებულება (ლარი)			
				ერთ. დღგ-ს გარეშე	დღგ-ს ჩათვლით	საერთო დღგ-ს გარეშე	საერთოდ გ-ს ჩათვლით
ვირუსისაგან დაცავი ერთჯერადი გამოყენები ნილაბი (პირბადე)	ბრენდი: faceguard მწარმოებელი კომპანია: „ნიუ ტექნოლოჯი იმპექს“; მწარმოებელი ქვეყანა: საქართველო	პირბადე შედგება 3 შრე უმაღლესი ხარისხის უქსოვადი ქსოვილისაგან, შიდა და გერე შრეები წყალგაუმტარი მასალა, ხოლო შუა ფენა შედგება Melt Blown- ისგან, რომელიც უზრუნველყოფს 99% დაცვას ვირუსებისა და ბაქტერიებისგან. პირბადეს ახასიათებს მაღალი სუნთქვადობა, გააჩნის ყურის ელასტიური მარყუჟი, არის ანტიალერგიული, კანისათვის უსაფრთხო მასალისაგან დამზადებული და ცხვირის ძგიდეზე ადაპტირებულია. პირბადის მარტივი და უსაფრთხო გამოყენებისათვის შემუშავდა ორიგინალური შეშესაფუთი ყუთი, პირბადის შესაფუთი ყუთი, რომელშიც განთავსებულია 50 ცალი პირბადე მოთავსებულია ჰაერგაუმტარ პოლიეთილენის პარკში, რაც მის უსაფრთხო მოხმარებას უზრუნველყოფს.	178 500	0,5322	0.627996	94997.70	112 097.29
						94997.70	112 097.29

შემსყიდველის სახელით:

მიმწოდებლის სახელით:

ვახტანგ ზურკიაშვილი _____

დავით მიმინოშვილი _____

საქართველოს ეროვნული ბანკის
აღმასრულებელი დირექტორი
ბ.ა.

შპს „ნიუ ტექნოლოჯი იმპექს“
დირექტორი
ბ.ა.